

Agingga iti Mayo 31 para kadagiti Umili ti COFA tapno Agaplikar para ti Tulong iti FEMA

Release Date: Mayo 28, 2024

HONOLULU – Asidegen ti plaso para kadagiti umili ti COFA a naapektaran dagiti uram iti kabakiran idi Ago. 8 idia Maui tapno agaplikar para ti tulong ti didigra iti FEMA. Ti 60 nga aldaw nga a panawen ti aplikasion ket aggibus inton **Biernes, Mayo 31.**

Maibilang kadagidiay maikari nga agaplikar iti Programa para kadagiti Indibidwal ken Sangkabalayan iti FEMA ket dagiti umili ti Republika ti Palau, ti Federated States of Micronesia, ken ti Republic of the Marshall Islands.

Tapno makapagaplikar, dagiti umili ti COFA ket masapul a tumawag iti **808-784-1952** wenno bumisita iti Lahaina Disaster Recovery Center iti Hyatt Regency Maui Resort and Spa, 200 Nohea Kai Drive. Dagiti linia ti telepono ket nakalukat manipud **8 a.m. agingga iti 4 p.m. HST Lunes agingga Biernes; 8 a.m. agingga iti 2 p.m. HST Sabado; nakaserra iti Domingo.**

Dagiti nakalasat nga agur-uray a maisaadda kadagiti yunit a naited iti sidong ti FEMA's Direct Lease program mabalinda met ti tumawag iti **808-784-1600**. Ibatayo ti siam a digit a numeroyo iti panagparehistroyo iti FEMA ken ti numeroyo iti telepono a mabalina a pakakontakan kadakayo, ket maysa a mangad-adal iti kasasaad ti tumawag kadakayo iti uneg ti 24 nga oras.

Ti FEMA assistance ket mabalina a mangtaming iti nadumaduma a kasapulan a mainaig iti nakaro a didigra a pakairamanan ti temporario a balay ken pannakasukat dagiti napapateg a personal a sanikua no ti nadadael ket saan a sakupen ti seguro. Saklawenna met dagiti nainaig iti didigra a paggastusan iti pumpon, medikal, dental, panagakar-ken-panagidulin ken panangaywan kadagiti ubbing.



FEMA

Page 1 of 2

Dagiti tulong ti FEMA ket saan a mabu-buisan, saan a kasapulan a masubadan, ken saanna nga apektaran ti kualipikasionyo para iti Social Security, Medicaid ken dadduma pay a benepisio pederal.

Para ti kabaruan nga impormasion maipapan kadagiti panangikagumaan iti iyuungar manipud iti uram iti kabakiran ti Maui, bisitaen ti mauicounty.gov, mauirecovers.org, fema.gov/disaster/4724 ken [Hawaii Wildfires - YouTube](#). I-follow ti FEMA iti social media: [@FEMARegion9](#) ken iti facebook.com/fema. Mabalinyo met ti makagun-od iti impormasion maipapan iti tulong iti didigra manipud iti U.S. Small Business Administration ken i-download ti aplikasion iti sba.gov/hawaii-wildfires.



FEMA

Page 2 of 2